


文獻叢編



文獻叢編



清世宗（雍正）行樂圖



原藏壽皇殿

文獻叢編第六輯目錄

清世宗(雍正)行樂圖

清高宗(乾隆)秋景寫字圖

康熙時關於噶爾丹文書

康熙與羅馬使節關係文書

乾隆朝文字獄沈大章案

年羹堯奏摺續

康熙時關於噶爾丹文書

景仁宮權藏有噶爾丹喀爾喀等奏章及口供多件爲康熙三十五年親征噶爾丹事奏中尊稱康熙帝爲文殊菩薩皇帝仁聖太平皇帝至尊皇帝茲照錄之

噶爾丹奏章

慈母攸同普加愛養至仁顯明幽隱岡弗照臨文殊菩薩皇帝睿鑒之前謹上奏者伏蒙勅書天使及格壘沽英杜拉爾口傳綸旨來至之頃不勝大加歡忭大抵言詞書諭凡諸委曲雖未確知亦嘗疏奏以至於今其間凡諸情事仰荷普加愛養至仁文殊菩薩皇帝猶垂慈降諭雖我一己之心念諭旨甚當但自大兵擊敗之後處處散離今此地僅存之人未得互相商議是以大概雖念諭旨爲當凡欲奏情事遣格壘沽英往奏格壘沽英到日密行明白具奏仰祈普加愛養至仁文殊菩薩皇帝俯照所奏垂恩電鑒則不勝歡忭正擬遣格壘沽英之時而彼逃遁故寄言於拉麻察卜而遣往拉麻察卜密行明白口奏

嘎爾丹多爾濟奏章

滄海攸同備諸大善福九願普足如圓生寶樹人中至聖主宰道法溥弘義理
朗照纖微主上睿明之下厄魯之嘎爾丹多爾濟謹奏言神聖主上眷念我祖
父俄齊爾圖車臣汗進貢請安往來中土恩憐我兄曾頒溫旨不幸我兄羅卜
臧袞木布阿拉布坦不克仰承主上鴻恩及聞物故賚以賻賵其後我身幼稚
無所知識之時主上慈念撫育孤子俾就善地以居與巴圖爾濟農聚合得以
樂生我身幼稚無所知識之時巴圖爾濟農等忽爾躁動移居我之部曲亦妄
自移居於席爾噶爾占塘之地巴圖爾濟農蒙聖主諭旨巴圖爾濟農遂移居
而返我身幼稚我母女婦而領事寨桑等住所又遠以致上答示我諭旨未能
奏陳故爾阻留厥後雖抱此心而至止維艱於茲數年近塘而居我之此情何
由得以上達正爾念切詎意侍衛阿南達之哨人與我之哨人相遇侍衛阿南
達呼致我之哨人而明告之以故於是得聞所言不勝忻喜聖主慈念我祖父
兄欲撫育我昔降有諭旨今主上恩慈以塞外自布籠雞爾至厄濟內昆杜倫

諸地方與我其背主之噶爾丹薄朔克圖我噶爾丹多爾濟憑賴主上威靈庶幾可以雪仇心切期望惟聖主矜恤焉

格壘沽英口供

問投降格壘沽英寨桑汝以何時到彼噶爾丹在何處勅書頒與乎口降之旨宣示乎噶爾丹之情狀投降否格壘沽英言我於十月初一日到彼惠特吳思坦台吉引我見噶爾丹噶爾丹令衆人迴避惟留丹即拉訥顏格隆吳爾占札卜噶爾丹問我云汝見仁聖太平皇帝乎仁聖太平皇帝在何所同汝來有使臣乎所頒之旨云何我答言同我來之使臣博席希筆帖式長壽賚有勅書又仁聖太平皇帝令口頒之旨云以與喀爾喀相尋犯我邊境汝所行非宜朕所行當理天惟助我故擊敗汝汝雖與我爲敵朕不以敗戮汝爲喜也汝今何往北則有策汪拉卜灘東則有根敦代青皆汝之敵西則侍衛阿南達率兵堵禦天下帝王無有過於我者倚我爲生則得生路若夫與汝倫比之國爲其下屬何以爲生汝若來歸寬汝之罪優待撫育汝即不降朕寧有置汝不問之理乎

如此諭旨周悉頒示噶爾丹不出一語使綽習希接受勅書噶爾丹問仁聖太平皇帝大概何若我答云汝若投降汝汗之名號不失而加恩優待人衆皆得生路仁聖太平皇帝公正而至誠似汝欺詐詭譎設計殺人概未之聞概未之見也斷不肯有失大信噶爾丹並無言說訥顏格隆謂我乃受仁聖太平皇帝之恩而來者不可信噶爾丹言汝於何處見仁聖太平皇帝我答言仁聖太平皇帝於鄂爾多斯之地行獵我至之日出御營時鄂爾多斯王貝勒貝子台吉等及其妃妻皆來請安齊集仁聖太平皇帝駕出見我玉音言汝比前見之時容顏大度是日於行獵之地仁聖太平皇帝下馬飲茶召我近前坐賜茶頒旨云喀爾喀所行非宜爲汝厄魯特所敗皆入於我汝等與喀爾喀相尋犯我邊境以致爲我所敗我格壘奏言聖主之旨甚當喀爾喀所行非宜爲我等所敗我等於喀爾喀如獵兔然以進聖主由此思之我等功人也仁聖太平皇帝大笑於是噶爾丹云汝之斯言大爲得之我又言令我入上所居帳房中令謳歌爲歡仁聖太平皇帝手金卮酌我以酒仁聖皇帝旨云朕以汝舊識之人特爲

愛念手酌汝酒非以汝爲噶爾丹之使而愛念之也於是噶爾丹言仁聖太平
皇帝召見諸人舉動行事甚爲顯明光昭我又言來時路遇尙書班第以驛站
之人勞苦領事人賞銀十五兩其次銀十兩又其次銀五兩再見車及萬輛載
糧於將軍所駐喀倫之地糧必以備我投降之人所食者又黃河近岸拖克拖
漢爾城之中倉內所積之糧即如札巴哈河北之沙岡噶爾丹問此糧何用我
答言爲邊塞之人蒙古等而備噶爾丹又問他處再有糧倉否我答言聞沿邊
俱有積糧之倉又丹即拉呼我至無人之處坐一石頂之上丹即拉問仁聖太
平皇帝曾言及我否我言仁聖太平皇帝屢向我言丹即拉材力壯健爲人甚
優汝宜引導噶爾丹投降仁聖太平皇帝安生樂業丹即拉言汝再向噶爾丹
言說若誠心投降我願爲使我向噶爾丹再三言之不聽我言窺其情狀亦似
疑我等語觀丹即拉大概有投降之意其時我格壘欲告以今往投降聖主若
言之有同我來之意我因疑丹即拉故爾不言我向此來後丹即拉令使人察
漢代寄信云汝問格壘去時何不向我言汝即言之豈有僨事洩漏之理我亦

有令察漢代密奏之言專待聖主之旨察漢代來必往歸降丹即拉又言我若往時偕阿巴車凌奔拉思隆等同去等語又我在噶爾丹處留六日盡我之力宣示聖主之旨從始至末周悉曉諭噶爾丹不從知其無實心投降而欺詐敷衍以我爲使我故應承兩宿至我所居明日携婦人兒子共六十六口奔投聖主而來行三日三夜至巴哈敖拉之塔希卜拉克自此緩行而來至古爾班賽漢之圖胡里克之地我之下人欲取路翁金而行我言聖主之使博席希曾同我而往聖主若問我所遣之使何在我將何詞以奏於是留三日以俟之第四日伊拉固克三胡圖克圖率百餘人而來圍我鬪戰殺我四人我身被創我父子十三人登山而逃出我媳及四十餘人並馬駝皆爲所搶掠而去

噶爾丹波朔克圖奏章

噶爾丹波朔克圖奏疏呈爲祈賜復音事經典之理世事之得失雖未晰知史書所載大一統之君亦倚信喇嘛三寶曾聞之天朝明智之士以爲古語而談述之也是以自世祖皇帝以來七旗喀爾喀皆爲達賴喇嘛護法主人秉教固

西訥門汗以來我四厄魯特亦爲達賴喇嘛護法主人至仁聖皇帝亦曾邀達賴喇嘛一切羣生無有三視仁愛宏恩率土之衆皆各欲其安居樂業其者卜尊丹巴塞因汗渣薩克圖汗等我四厄魯特回子未曾攻戰我等皆靜處本土因七旗喀爾喀伊內自相不睦天朝皇帝慈念生靈困苦致書於達賴喇嘛於是達賴喇嘛以嘎爾旦西勒圖爲使天朝皇帝以尙書阿爾尼爲使和好七旗而安措之者卜尊丹巴塞因汗二人違旨之故乃係罪人我之情事則是惟將我之是處奏聞因而蒙咎未嘗故欲獲咎而行之也然因有蒙咎之故曾自悔怨而行今頒示浩蕩恩綸不勝懽悅或蒙大施仁愛故遣格壘沽英杜拉爾賚奏

滿濟口供

問噶爾丹之使巴爾同噶席滿濟汝於何日到彼噶爾丹在何處到即見耶噶爾丹見勅書乎頒示於汝之旨曾告之乎噶爾丹云何共有人幾何牲畜如何今何所食吳爾占札卜之母見噶爾丹有何言大概投降否滿濟言我失道由翁金而行於路延遲以正月朔日至薩克薩圖胡里克初二日見噶爾丹噶爾

丹問汝逃而來耶仁聖太平皇帝遣汝而來耶我答言仁聖太平皇帝問欲以汝爲使我言顛往故爾前來勅書頒之噶爾丹又告以口宣之旨噶爾丹云仁聖太平皇帝之旨甚爲至當汝來之時仁聖太平皇帝在何處汝自何處來我答言仁聖太平皇帝於歸化城行獵我自歸化城而來又問大將軍在何處答言我來時在哈拉木倫之地問兵幾何我答言不知兵數見其來往更番兵甚多噶爾丹言兵至今爲何仍駐我答言聞丹即拉之兵欲來故爾備之而仍駐耳噶爾丹又言達木巴哈夕哈察漢席達爾哈夕哈等曾見否我答言聞以達木巴哈夕哈察漢席達爾哈夕哈爲內大臣俱在京城以沙克準爲內大臣與舊大臣無異隨上而行噶爾丹又問如何養衆厄魯特之人我答言聞於衆厄魯特之人甚爲恩養又於處處招徠離散上親令之完聚此我所目覩者於是噶爾丹並無言說又噶爾丹往訥顏格隆之居有丹即拉阿巴吳爾占札卜皆在取酒共飲吳爾占札卜向噶爾丹言我等自去年之冬以薩克薩圖胡里克獸多而居今獸驚逸漸少春時草將生有投降聖主之意就近前移如不投降

當別尋一計持兩可之見坐斃於此乎又汝惟以護持宗噶巴之法而行以致四厄魯特七旗喀爾喀頓盡汝之國土大壞父子夫妻分離我等之身自始至終從汝任汝之意而行則宗噶巴之法亦甚無益而反造罪矣我等於汝一事之非亦曾不出一聲今我之心不能含忍憤恨于心故爾言之此罪先及於汝囚之地獄後乃及我等之身始入地獄於是噶爾丹不出一語訥顏格隆向吳爾占札卜言汝此言非也太平之時衆安樂以爲生何不言以汗之恩而得樂今喪失之時乃曰汝汗之非所致也以奴輩之人而如此言其主可乎吳爾占札卜言我蓋醉矣妄言耳又滿濟言在噶爾丹之處男子共三百餘人其他皆四散捕獸遠去有兩馬之人多有一馬者亦有之以獸肉爲食不得食餓而死之人亦有之馬甚瘦觀噶爾丹之大概不降丹即拉一日呼我至其居問云仁聖太平皇帝曾言及我否我答言仁聖太平皇帝屢言汝材力壯健爲人甚優又屢屢言吳爾占札卜及汝兩人再我向丹即拉言汝乃噶爾丹領事之人可說噶爾丹投降聖主倚以爲生丹即拉言汝自聖主處遣來之人尙欲汝之即

爲勸導也我如何可以言之如誠有投降之意我願爲使而往觀丹即拉所言之情狀有投降之意又訥顏格隆問我仁聖太平皇帝大概若何我言聖主誠爲神聖仁慈與佛相同皇帝訥顏格隆又言汝何由而知其誠然我答言仁聖太平皇帝自昔遣使往來所頒諭旨無幾微之隙而於我等有相欺隱之處乎訥顏格隆向我言仁聖太平皇帝斷斷寬宥我等而恩養之可信之乎又問吳爾占札卜之母旣至噶爾丹云何滿濟言我未到之先彼已至矣聞他人言彼向噶爾丹言云天朝國大兵衆富貴之國何故與之相構以至如此聖主仁聖太平皇帝乃係活佛以敵人之母子遣令聚會汝亦曾聞之否其他神聖之處亦言之不能盡也等語

吳巴什口供

康熙三十六年閏三月初七日自大將軍伯費揚古所遣往噶爾丹員外郎博席希來使察漢代等同至問格壘沽英之子吳巴什汝父格壘沽英以何時到彼噶爾丹來降否今居何處汝等如何逃來據言我父於二月初一日至薩克

薩圖胡里克及見噶爾丹以聖主諭旨自始至末詳悉諭之噶爾丹並無言說噶爾丹處有丹即拉阿拉爾拜阿巴納顏格隆吳爾占札卜諸人我父格壘沽英及吳爾占札卜兩人向噶爾丹言可遵奉聖主之旨投降若投降則此留餘之衆人生命依託聖主太平之國安居爲生我等衆人及妻子向前移往共居於古爾班賽漢之地遣丹即拉爲使請降於聖主如此言說向噶爾丹勸之至五六日丹即拉亦言我願往告之噶爾丹噶爾丹並無言說噶爾丹徒言投降並無實意又納顏格隆謂格壘沽英受聖主之恩而來者其言不可信噶爾丹云仍以格壘沽英爲使前往我父見噶爾丹無投降之意仍欺誑敷延遣使故携妻子逃出投奔聖主晝夜兼行於九月末至古爾班賽漢舒樓特之地衆人之意欲取路翁金我父格壘沽英言聖主天使同我遣往先是來使之馬匹牲畜聞於途路被其搶掠今天使等馬匹牲畜或有疎失亦未可定於是待之三宿第四日中伊拉固克三胡圖克圖率百餘人圍我等互相鬪戰殺我四人我父格壘沽英被創我父子兄弟共十三人奔上山峰得出我吳巴什妻及四

十餘人百餘匹馬四十餘駱駝皆被奪去我父子皆徒行正無計之際遇我國捕獸而往之人及馬羣奪馬五六匹騎乘而來問吳巴什噶爾丹有往他處之情狀乎吳巴什言前我父格壘沽英遣使於聖主之然我曾在庫庫塞爾克之地以鳥鎗獲獸送之噶爾丹噶爾丹言汝父來時我等由庫庫塞爾克往洪郭羅去曾如此言今往何處我無從而知再噶爾丹凡有所往雖其親近之人亦不告知又問吳巴什汝等來後再有來降之人乎吳巴什言我父向我言丹即拉必來降丹即拉之使曾向我言云汝逃往何不曉諭於我我豈爲害於汝耶汝好往後必得相見若再問及他事言詞煩多汝幼稚之人豈能盡記乎其他要言我到時見聖主奏聞康熙三十六年

拉麻察卜口供

問噶爾丹之使拉麻察卜汝有奏達之言否拉麻察卜言諸凡密奏之言盡在奏章中又令口奏之言云蒙聖主諭旨謂我若無以爲生收集人衆移於近地來降我居則無屋乘則無騎食則無糧我所屬阿拉卜坦杜爾白特之車稜衰

贊之子車稜多爾濟皆無以爲生捕獸而散不及聚集渠等尋問其意後聚而問之再別爲陳奏聖主旣欲恩施於我我所屬之人歸入於聖主者甚衆若蒙恩施可還之於我乎再無以爲生之人聖主與之恩賞以拯救之乎又問汝還往耶欲留於此耶拉麻察卜言我原欲投奔聖主去年夏携四十餘人而來遇杜爾白特之車稜盡爲所掠不能來而歸自是之後噶爾丹以我有逃去之意防之至今以格壘沽英爲使格壘沽英旣逃之後我有意告之而來聖主問我所願我子與妻皆在此我不願往也若必欲我往此聖主之事焉敢不往

厄魯特多爾即口供

三月初九日大將軍伯費揚古所送投降厄魯特之多爾即至問噶爾丹今在何處汝從何處投降而來噶爾丹左右有名目之人爲誰人口幾何吳爾占札卜之母齊巴哈察何時到彼塞卜屯巴爾佳爾被擒聞之否有馬駝食物乎噶爾丹云何衆意如何多爾即言我於去年十二月初九日自格格特哈郎古特逃出我同夥共七人逃行兩日同我逃出之五人言欲往瑚瑚璫爾奪我夫妻